

**Kalaallit Nunaannut, Kalaallit Nunaannit Klaallit Nunaannilu usinik imaatigut
assartuineq pillugu Inatsisartut peqqussutaata allanngortinneqarneranik
Inatsisartut peqqussutissaattut siunnersuut**

pillugu

Inatsisartut Attaveqarnermut Pilersuinermullu aamma

Ineqarnermut Ataatsimiititaliaata

ISUMALIUTISSISSIONAA

allannguutissap aappassaaneerneqarnerani saqqummiunneqartoq

Inatsisartut Attaveqarnermut Pilersuinermullu aamma Ineqarnermut
Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Lars Sørensen, IA, siulittaasoq
Inatsisartuni ilaasortaq Per Rosing-Petersen, Siumut
Inatsisartuni ilaasortaq Peter Grønvold Samuelsen, sinniisussaq, Siumut
Inatsisartuni ilaasortaq Godmand Rasmussen, Atassut
Inatsisartuni ilaasortaq Mogens Kleist, Kattusseqatigijit

Inatsisartut Attaveqarnermut Pilersuinermullu aamma Ineqarnermut
Ataatsimiititaliaata UKA 2001-imi siullermeerinerup kingorna siunnersuut
nassuaatitai ilanngullugit misissuataarpaa.

Isumasioqateqarluni ataatsimeeqateqarneq

Siunnersuutittaaq suliarineqarneranut atatillugu ataatsimiititaliap
Aningaasaqarnermut Naalakkersuisoq Josef Motzfeldt isumasioqatigalugu
ataatsimeeqatigaa.

Siunnersuutip imarisai

Siunnersuutikkut siunertarineqarpoq usit imaatigut assartorneqartut Kalaallit Nunaannut, Kalaallit Nunaannit imaluunniit Kalaallit Nunaanni namminermi assartorneqarnerisa assartuinermi akiligassartaasa procentianik aalajangersimasumik akitsusiussap Inatsisartunit assigiinngiaartumik aalajangiiffiqeqarsinnaanissaata tunngavissiuunneqarnissaa.

Tamatuma kingorna akitsuusiinermut procentit Inatsisartut, Inatsisartut ukiumoortumik aningaasanut inatsisaanni oqaasertaliussatigut, aalajangersartassavaat.

Ataatsimiititaliap paasivaa 2002-mi Inatsisartut aningaasanut inatsisissaattut siunnersuummiKalaallit Nunaannut usinik assartuinermut akitsuusiinermut procenti 9,82%-iusussatut annertussusilerneqartoq, Kalaallilli Nunaanni Kalaallillu Nunaannit assartuinermut akitsuusinermut procenti 0%-iusussatut angissusilerneqarluni.

Ataatsimiititaliami amerlanerussuteqartut, tassalu Siumut, IA, Atassullu, siunnersuummut isumaqataapput, inassutigalugulu siunnersuut akuersissutigineqassasoq.

Ataatsimiititaliami ikinnerussuteqartoq, tassalu Kattusseqatigiit ilaasortaatitaat siunnersuummut tunngatillugu oqaatigaa, Avannaanut, isorliunerusunut nunaqarfinnullu aningaasatigut kinguneqaatissat misissuiffiqeqarsimangngitsut. Taamaammat ikinnerussuteqartup inassuteqaatigaa siunnersuut itigartinneqassasoq.

Taama oqaaseqarluni Inatsisartut Attaveqarnermut Pilersuinermullu aamma Ineqarnermut Ataatsimiititaliaata aalajangiiffiqeqassatut siunnersuut aappassaaniigassanngortippaa.

Lars Surensen,
siulittaasoq

Per Rosing-Petersen

Godmand Rasmussen

Peter Grønvold Samuelsen, sinniisussaq

Mogens Kleist